

بِسْمِ اللَّهِ الرَّحْمَنِ الرَّحِيمِ

وَالطُّورِ ۝ وَكِتَابٍ مَّسْطُورٍ ۝ فِي رَقٍّ مَّنْشُورٍ ۝ وَالْبَيْتِ الْمَعْمُورِ ۝
وَالسَّقْفِ الْمَرْفُوعِ ۝ وَالْبَحْرِ الْمَسْجُورِ ۝ إِنَّ عَذَابَ رَبِّكَ لَوَاقِعٌ ۝
مَا لَهُ مِنْ دَافِعٍ ۝ يَوْمَ تَنُورُ السَّمَاءُ مَوْرًا ۝ وَتَسِيرُ الْجِبَالُ
سَيْرًا ۝ قَوْلٌ يَوْمَئِذٍ لِلْمُكَذِّبِينَ ۝ الَّذِينَ هُمْ فِي خَوْضٍ
يَلْعَبُونَ ۝ يَوْمَ يَدْعُونَ إِلَى نَارِ جَهَنَّمَ دَعًّا ۝ هَذِهِ النَّارُ الَّتِي
كُنْتُمْ بِهَا تُكَذِّبُونَ ۝ أَفَصَحَّرْ هَذَا أَمْ أَنْتُمْ لَا تُبْصِرُونَ ۝ أَصَلَوْهَا
فَاصْبِرُوا أَوْ لَا تَصْبِرُوا سَوَاءٌ عَلَيْكُمْ ؕ إِنَّا نَحْنُ نُحْجِزُونَ مَا كُنْتُمْ
تَعْمَلُونَ ۝ إِنَّ الْمُتَّقِينَ فِي جَنَّاتٍ وَنَعِيمٍ ۝ فَلَهِمْ فِيهَا شَجَرَاتُ
زَيْتٍ ۝ وَوَقْفُمْ رَبُّهُمْ عَذَابَ الْجَحِيمِ ۝ كُلُوا وَاشْرَبُوا هَنِيئًا بِمَا
كُنْتُمْ تَعْمَلُونَ ۝ مُتَّكِئِينَ عَلَى سُرُرٍ مَّصْفُوفَةٍ ۝ وَزَوَّجْنَاهُمْ بِحُورٍ
عِينٍ ۝ وَالَّذِينَ آمَنُوا وَاتَّبَعَتْهُمْ ذُرِّيَّتُهُمْ بِإِيمَانٍ أَلْحَقْنَا بِهِمْ
ذُرِّيَّتَهُمْ ۝ وَمَا أَلَتْنَاهُمْ مِنْ عَمَلِهِمْ مِنْ شَيْءٍ ؕ كُلُّ امْرِئٍ بِمَا كَسَبَ رَهِينٌ
وَأَمْدَدْنَاهُمْ بِفَاكِهَةٍ وَلَحْمٍ مِّمَّا يَشْتَهُونَ ۝ يُتَنَزَّلُونَ فِيهَا كَاسًا لَّا
لَعْنُ فِيهَا وَلَا تَأْثِيمٌ ۝ وَيُطَوَّفُ عَلَيْهِمْ غُلَامٌ لَّهُمْ كَأَنَّهُمْ لُؤْلُؤُ

مَكْنُونٌ ۝ وَاقْبَلْ بَعْضُهُمْ عَلَىٰ بَعْضٍ يَتَسَاءَلُونَ ۝ قَالُوا إِنَّا
 كُنَّا قَبْلُ فِي أَهْلِنَا مُشْفِقِينَ ۝ فَمَنَّ اللَّهُ عَلَيْنَا وَوَقَدْنَا
 عَذَابَ السَّمُومِ ۝ إِنَّا كُنَّا مِنْ قَبْلُ نَدْعُوهُ ۝ إِنَّهُ هُوَ الْبَرُّ الرَّحِيمُ ۝

পরম করুণাময় ও অসীম দয়ালু আল্লাহর নামে।

(১) কসম তুর পর্বতের (২) এবং লিখিত কিতাবের (৩) প্রশস্ত পত্র, (৪) কসম
 বায়তুল-মামুর তথা আবাদ গৃহের (৫) এবং সম্মুখত ছাদের (৬) এবং উতাল সমুদ্রের
 (৭) আপনার পালনকর্তার শাস্তি অবশ্যস্বাবী, (৮) তা কেউ প্রতিরোধ করতে পারবে না।
 (৯) সেদিন আকাশ প্রকম্পিত হবে প্রবলভাবে (১০) এবং পর্বতমালা হবে চলমান, (১১)
 সেইদিন মিথ্যারোপকারীদের দুর্ভোগ হবে, (১২) যারা ক্রীড়াচ্ছলে মিছামিছি কথা বানায়।
 (১৩) যেদিন তোমাদেরকে জাহান্নামের অগ্নির দিকে ধাক্কা মেরে মেরে নিয়ে যাওয়া হবে।
 (১৪) এবং বলা হবে : এই সেই অগ্নি, যাকে তোমরা মিথ্যা বলতে, (১৫) এটা কি যাদু,
 না তোমরা চোখে দেখছ না? (১৬) এতে প্রবেশ কর, অতঃপর তোমরা সবার কর অথবা
 না কর, উভয়ই তোমাদের জন্য সমান। তোমরা যা করতে তোমাদেরকে কেবল তারই
 প্রতিফল দেওয়া হবে। (১৭) নিশ্চয়ই আল্লাহ্‌ভীরুরা থাকবে জামাতে ও নিয়ামতে (১৮)
 তারা উপভোগ করবে যা তাদের পালনকর্তা তাদেরকে দেবেন এবং তিনি জাহান্নামের
 আশ্রয় থেকে তাদেরকে রক্ষা করবেন। (১৯) তাদেরকে বলা হবে : তোমরা যা করতে
 তার প্রতিফলস্বরূপ তোমরা তৃপ্ত হয়ে পানাহার কর। (২০) তারা শ্রেণীবদ্ধ সিংহাসনে
 হেলান দিয়ে বসবে। আমি তাদেরকে আয়তলোচনা হরদের-সাথে বিবাহবন্ধনে আবদ্ধ
 করে দেব। (২১) যারা ঈমানদার এবং তাদের সন্তানরা ঈমানে তাদের অনুগামী, আমি
 তাদেরকে তাদের পিতাদের সাথে মিলিত করে দেব এবং তাদের আমল বিন্দুমাত্রও হ্রাস
 করব না। প্রত্যেক ব্যক্তি নিজ কৃতকর্মের জন্য দায়ী। (২২) আমি তাদেরকে দেব
 ফল-মূল এবং মাংস যা তারা চাইবে। (২৩) সেখানে তারা একে অপরকে পানপাত্র দেবে;
 যাতে অসার বকাবকি নেই এবং পাপকর্মও নেই। (২৪) সুরক্ষিত মোতিসদৃশ কিশোররা
 তাদের সেবায় ঘোরাফেরা করবে। (২৫) তারা একে অপরের দিকে মুখ করে জিজ্ঞাসাবাদ
 করবে। (২৬) তারা বলবে : আমরা ইতিপূর্বে নিজেদের বাসগৃহে ভীত-কম্পিত ছিলাম।
 (২৭) অতঃপর আল্লাহ আমাদের প্রতি অনুগ্রহ করেছেন এবং আমাদেরকে আশুনের শাস্তি
 থেকে রক্ষা করেছেন। (২৮) আমরা পূর্বেও আল্লাহকে ডাকতাম। তিনি সৌজন্যশীল,
 পরম দয়ালু।

তফসীরের সার-সংক্ষেপ

কসম তুর (পর্বতের), এই সেই কিতাবের, যা উন্মুক্ত পত্রে লিখিত আছে। (অর্থাৎ

আমলনামা, যার সম্পর্কে অন্য আয়াতে বলা হয়েছে :

كِتَابًا يُّلْقَاهُ مَنشُورًا

এবং কসম বায়তুল মামুরের (এটা সপ্তম আকাশে ফেরেশতাদের ইবাদতখানা)। এবং

কসম সমুদ্রত ছাদের (অর্থাৎ আকাশের ; আল্লাহ বলেন :

وَجَعَلْنَا السَّمَاءَ

اللَّهُ الَّذِي رَفَعَ السَّمَاوَاتِ سَقْفًا مَّعْقُوفًا) এবং কসম উত্তাল-

সমুদ্রের। (অতঃপর কসমের জওয়াব বলা হচ্ছে :) নিশ্চয় আপনার পালনকর্তার আযাব অবশ্যজ্ঞাবী, কেউ একে প্রতিরোধ করতে পারবে না। (এটা সেদিন হবে) যেদিন আকাশ প্রকম্পিত হবে এবং পর্বতমালা (স্বস্থান থেকে) সরে যাবে। [অর্থাৎ কিয়ামতের দিন প্রকম্পিত হওয়া সাধারণ অর্থেও হতে পারে এবং বিদীর্ণ হওয়ার অর্থেও হতে পারে ; যেমন অন্য আয়াতে আছে

فَإِذَا انشَقَّتِ السَّمَاءُ رَبُّهَا) ইবনে আব্বাস (রা) থেকে বর্ণিত আছে। উভয়ের মধ্যে কোন বৈপরীত্য নেই। অগ্র-পশ্চাতে উভয়টি হতে পারে। এখানে পর্বতমালার সরে যাওয়ার কথা বলা হয়েছে। অন্যান্য আয়াতে চূর্ণ-বিচূর্ণ হয়ে উড়ে যাওয়ার কথা বলা হয়েছে। এক আয়াতে বলা হয়েছে : يَنسِفُهَا

بُسْتِ الْجِبَالُ بِسَافَا نَتِ هَبَاءٍ) এবং অন্য আয়াতে আছে رَبِّي

কারণ একটি উদ্দেশ্যকে চিন্তাধারার নিকটবর্তী করা। উদ্দেশ্য এই : কিয়ামত সংঘটনের আসল কারণ প্রতিদান ও শাস্তি। এটা শরীয়তের বিধানাবলীর ভিত্তিতে হবে। অতএব, তুর পর্বতের কসম খাওয়ার মধ্যে ইঙ্গিত রয়েছে যে, আল্লাহ তা'আলা বাক্যলাপ ও বিধানাবলী প্রদানের মালিক। এসব বিধান পালন অথবা প্রত্যাখ্যানের ভিত্তিতে প্রতিদান ও শাস্তি হবে। আমলনামার কসম খাওয়ার মধ্যে ইঙ্গিত আছে যে, এই বিধানাবলী পালন ও প্রত্যাখ্যান সংরক্ষিত ও লিপিবদ্ধ আছে। প্রতিদান ও শাস্তি এর উপর নির্ভরশীল, যাতে বিধানাবলী প্রতিপালন জরুরী হয়। বায়তুল মামুরের কসমে ইঙ্গিত আছে যে, ইবাদত একটি জরুরী বিষয়। এমনকি, যে ফেরেশতাদের প্রতিদান ও শাস্তি নেই, তাদেরকেও এ থেকে অব্যাহতি দেওয়া হয়নি। অতঃপর জাম্মাত ও দোযখ এই দুটি বস্তু হচ্ছে প্রতিদান ও শাস্তির পরিণতি। আকাশের কসমে ইঙ্গিত রয়েছে যে, জাম্মাত আকাশের মতই সমুদ্রত বস্তু। উত্তাল সমুদ্রের কসমে ইশারা রয়েছে যে, দোযখও উত্তাল সমুদ্রের অনুরূপ ভয়াবহ বস্তু। এরপর কিয়ামতের কতিপয় ঘটনা বর্ণনা করা হচ্ছে যে, যখন শাস্তিযোগ্য ব্যক্তিদের শাস্তি অবশ্যজ্ঞাবী তখন] যারা (কিয়ামত, তওহীদ, রিসালত ইত্যাদি সত্য বিষয়ে) মিথ্যা-রোপ করে (এবং) যারা ক্বীড়াম্বলে মিছামিছি কথা বানায়, (ফলে শাস্তির যোগ্য হয়ে যায়)

সেদিন তাদের খুবই দুর্ভোগ হবে; যেদিন তাদেরকে জাহান্নামের অগ্নির দিকে ধাক্কা মেরে মেরে নিয়ে যাওয়া হবে। (কেননা, এরূপ জাহ্নগার দিকে কেউ স্বেচ্ছায় যেতে চাইবে না।

অতঃপর নিষ্ক্ষেপের সময় **فَيُخَذُّ بِالنَّوَاصِي وَالْأَقْدَامِ**—অর্থাৎ মাথায় ও পায়ের ধরে

দোষখে নিষ্ক্ষেপ করা হবে। তাদেরকে দোষখ দেখিয়ে শাসিয়ে বলা হবে:) এই সেই অগ্নি, যাকে তোমরা মিথ্যা বলতে (অর্থাৎ এ সম্পর্কিত আয়াতসমূহকে মিথ্যা বলতে) এবং যাদু আখ্যা দিতে। আয়াতগুলো তো তোমাদের মতে যাদু ছিলই। এখন এটা (-ও) কি যাদু, (দেখে বল) না (এখনও) তোমরা চোখে দেখছ না? (যেমন দুনিয়াতে চোখে না দেখার কারণে প্রত্যাখ্যান করেছিলে)। এতে প্রবেশ কর, অতঃপর তোমরা সবার কর অথবা না কর, উভয়ই তোমাদের জন্য সমান। (তোমাদের হা-হতাশের কারণে মুক্তি দান করা হবে না এবং মেনে নেওয়ার ফলেও দয়া করে দোষখ থেকে বের করা হবে না; বরং অনন্তকাল এতে থাকতে হবে)। তোমরা যা করতে তোমাদেরকে কেবল তারই প্রতিফল দেওয়া হবে। (তোমরা কুফর করতে, যা সর্ববৃহৎ অবাধ্যতা এবং আল্লাহর হুক ও অসীম গুণাবলীর প্রতি অকৃতজ্ঞতা। সুতরাং প্রতিফলস্বরূপ অনন্তকাল দোষখ ভোগ করবে। অতঃপর কাফিরদের বিপরীতে মু'মিনদের কথা বলা হচ্ছে:) নিশ্চয় আল্লাহ্‌ভীরুরা (জান্নাতের) উদ্যানসমূহে ও ভোগবিলাসের মধ্যে থাকবে। তারা উপভোগ করবে যা তাদের পালনকর্তা তাদেরকে (ভোগবিলাস) দেবেন এবং তিনি জাহান্নামের আযাব থেকে তাদেরকে রক্ষা করবেন। (এবং জান্নাতে দাখিল করে বলবেন:) তোমরা (দুনিয়াতে) যা করতে তার প্রতিফলস্বরূপ খুব তৃপ্ত হয়ে পানাহার কর। তারা শ্রেণীবদ্ধ সিংহাসনে হেলান দিয়ে বসবে। আমি তাদেরকে আয়তলোচনা হরদের সাথে বিবাহবন্ধনে আবদ্ধ করে দেব। (এটা হবে সাধারণ মু'মিনদের অবস্থা। অতঃপর সেই মু'মিনদের কথা বলা হচ্ছে, যাদের সন্তান-সন্ততিও ঈমানের গুণে গুণান্বিত। বলা হচ্ছে:) যারা ঈমানদার এবং তাদের সন্তানরাও ঈমানে তাদের অনুগামী (অর্থাৎ তারাও ঈমানদার যদিও তারা আমলে পিতাদের সীমা পর্যন্ত পৌঁছেনি। আমলের কথা উল্লেখ না করায় তা বোঝা যায়। এছাড়া হাদীসে পরিষ্কার উল্লেখ আছে, বলা হয়েছে:

كَانُوا دُونَهُ فِي الْعَمَلِ وَكَانَتْ مَنَازِلُ

أَبَائِهِمْ أَرْفَعُ وَلَمْ يَبْلُغُوا دَرَجَتَكَ وَعَمَلُكَ (এমতাবস্থায় আমলে ছুটি থাকার কারণে তাদের মর্তবা কম হবে না বরং মু'মিন পিতাদেরকে সমুদ্রের জন্য) আমি সন্তানদেরকেও (মর্তবায়) তাদের সাথে মিলিত করে দেব। (মিলিত করার জন্য) আমি তাদের (অর্থাৎ জান্নাতী পিতাদের) আমল বিন্দুমাত্রও হ্রাস করব না (অর্থাৎ পিতাদের কিছু আমল হ্রাস করে সন্তানদেরকে দিয়ে সমান করা হবে না। উদাহরণত এক ব্যক্তির কাছে ছয়শ টাকা এবং এক ব্যক্তির কাছে চারশ টাকা আছে। উভয়কে সমান করার উদ্দেশ্য হলে এক উপায় হল এই যে, ছয়শ টাকা ওয়ালার কাছ থেকে একশ টাকা নিয়ে চারশ ওয়ালাকে দেওয়া। ফলে উভয়ের কাছে পাঁচশ পাঁচশ হয়ে যাবে। দ্বিতীয় উপায় এই যে ছয়শ ওয়ালার কাছ থেকে কিছুই না নেওয়া; বরং চারশ ওয়ালাকে নিজের কাছ থেকে দু'শ টাকা দিয়ে দেওয়া

এবং উভয়কে সমান সমান করে দেওয়া। এটা দাতাদের পক্ষে অধিক উপযুক্ত। আয়াতের উদ্দেশ্য এই যে, এক্ষেত্রে প্রথম উপায় অবলম্বিত হবে না। যার ফলে এই হত যে, পিতাদেরকে আমল কম হওয়ার কারণে নীচের স্তরে নামিয়ে আনা হত এবং সন্তানদেরকে কিছু উপরে তুলে দেওয়া হত। এটা হবে না; বরং দ্বিতীয় উপায় অবলম্বন করা হবে। ফলে পিতাগণ তাদের উচ্চস্তরেই থেকে যাবে এবং সন্তানদেরকে তাদের কাছে পৌঁছিয়ে দেওয়া হবে। সন্তানদের মধ্যে ঈমানের শর্ত না থাকলে তারা মু'মিন পিতাদের সাথে মিলিত হতে পারবে না। কেননা, কাকিরদের মধ্যে) প্রত্যেক ব্যক্তি নিজ (কফরী) কৃতকর্মের জন্য দায়ী। (قَوْلُهُ تَعَالَى

كُلُّ نَفْسٍ بِمَا كَسَبَتْ رَهِيْنَةٌ اِلَّا اَصْحَابَ الْيَمِيْنِ অর্থাৎ মুক্তির কোন

উপায় নেই। ফলে তাদের মু'মিন পিতাদের সাথে মিলিত হওয়ার প্রশ্নই উঠে না। তাই মিলিত হওয়ার জন্য সন্তানদের মধ্যে ঈমান থাকা শর্ত। অতঃপর পুনরায় ঈমানদার ও জাম্বাতীদের কথা বলা হচ্ছে:) আমি তাদেরকে দেব ফলমূল ও গোশত, যা তারা পছন্দ করবে। সেখানে তারা (আনন্দ-উল্লাসের ভগ্নিতে) একে অপরকে পানপাত্র দেবে। এতে (অর্থাৎ পানীয়তে) অসার বকাবকি নেই, (কেননা তা নেশামুক্ত হবে না) এবং পাপ কর্মও নেই। তাদের কাছে (ফলমূল আনার জন্য) এমন কিশোরী আসা-যাওয়া করবে (এই কিশোরী কারা? সূরা ওয়াকিয়ায় তা বর্ণনা করা হবে)। যারা (বিশেষভাবে) তাদেরই সেবায় নিয়োজিত থাকবে (এবং এমন সুগ্রী হবে) যেন সুরক্ষিত 'মোতি'। (যা অত্যন্ত চমকদার ও ধূলাবালু মুক্ত হয়ে থাকে। তারা আধ্যাত্মিক আনন্দও লাভ করবে। তন্মধ্যে এক এই যে,) তারা একে অপরের দিকে মুখ করে জিজ্ঞাসাবাদ করবে (এবং একথাও) বলবে যে, আমরা ইতিপূর্বে নিজেদের বাসগৃহে (অর্থাৎ দুনিয়াতে পরিণাম সম্পর্কে) ভীত-কম্পিত ছিলাম। অতঃপর আল্লাহ আমাদের প্রতি অনুগ্রহ করেছেন এবং আমাদেরকে আযাব থেকে রক্ষা করেছেন। আমরা পূর্বেও (অর্থাৎ দুনিয়াতে) তাঁর কাছে দোয়া করতাম (যে, আমাদেরকে দোষখ থেকে রক্ষা করে জাম্বাত দান করুন। তিনি আমাদের দোয়া কবুল করেছেন)। তিনি বাস্তবিকই অনুগ্রহকারী, পরম দয়ালু। (এটা যে আনন্দের বিষয়বস্তু তা বর্ণনাসাপেক্ষ নয়)।

জানুয়ারি জাতীয় বিষয়

والطُّور — হিব্রু ভাষায় এর অর্থ পাহাড়, যাতে লতাপাতা ও বৃক্ষ উদ্গত হয়। এখানে

তুর বলে মাদইয়ানে অবস্থিত তুরে সিনীন বোঝানো হয়েছে। এই পাহাড়ের উপর হযরত মুসা (আ) আল্লাহ তা'আলার সাথে বাকলাপ করেছিলেন। এক হাদীসে আছে, দুনিয়াতে জাম্বাতের চারটি পাহাড় আছে। তন্মধ্যে তুর একটি। —(কুরতুবী) তুরের কসম খাওয়ার মধ্যে উপরোক্ত বিশেষ সম্মান ও সম্মানের প্রতি ইঙ্গিত রয়েছে। আরও ইঙ্গিত রয়েছে যে, আল্লাহ তা'আলার পক্ষ থেকে বান্দাদের জন্য কিছু কালাম ও আহকাম আগমন করেছে। এগুলো মেনে চলা ফরয।

وَكُنَّا بِمَسْطُورٍ فِي رَقٍ مِّنْ شَوْرٍ শব্দের আসল অর্থ লেখার জন্য

কাগজের স্থলে ব্যবহৃত পাতলা চামড়া। তাই এর অনুবাদ করা হয় পত্র। লিখিত 'কিতাব' বলে মানুষের আমলনামা বোঝানো হয়েছে, না হয় কোন কোন তফসীরবিদের মতে কোরআন পাক বোঝানো হয়েছে।

وَالْبَيْتِ الْمَعْمُورِ—আকাশস্থিত ফেরেশতাদের কা'বাকে বায়তুল মামুর বলা

হয়। এটা দুনিয়ার কা'বার ঠিক উপরে অবস্থিত। বুখারী ও মুসলিম বর্ণিত হাদীসে প্রমাণিত আছে যে, মিরাজের রাতিতে রসূলুল্লাহ্ (সা)-কে বায়তুল মামুরে নিয়ে যাওয়া হয়েছিল। এতে প্রত্যহ সত্তর হাজার ফেরেশতা ইবাদতের জন্য প্রবেশ করে। এরপর তাদের পুনরায় এতে প্রবেশ করার পালা আসে না। প্রত্যহ নতুন ফেরেশতাদের নম্বর আসে।—(ইবনে কাসীর)

সপ্তম আকাশে বসবাসকারী ফেরেশতাদের কা'বা হচ্ছে বায়তুল মামুর। এ কারণেই মিরাজের রাতিতে রসূলুল্লাহ্ (সা) এখানে পৌঁছে হযরত ইবরাহীম (আ)-কে বায়তুল মামুরের প্রাচীরে হেলান দিয়ে উপবিষ্ট অবস্থায় দেখতে পান। তিনি ছিলেন দুনিয়ার কা'বার প্রতিষ্ঠাতা। আল্লাহ্ তা'আলা এর প্রতিদানে আকাশের কা'বার সাথেও তাঁর বিশেষ সম্পর্ক স্থাপন করে দেন। —(ইবনে কাসীর)

مَسْجُورٍ—وَالْبَحْرِ الْمَسْجُورِ শব্দটি سَجَر থেকে উদ্ভূত। এটা একাধিক অর্থে

ব্যবহৃত হয়। এক অর্থ অগ্নি প্রজ্জ্বলিত করা। কোন কোন তফসীরবিদের মতে এখানে এই অর্থেই ব্যবহৃত হয়েছে। আয়াতের অর্থ এই : সমুদ্রের কসম, যাকে অগ্নিতে পরিণত করা হবে। এ থেকে ইঙ্গিত পাওয়া যায় যে, কিয়ামতের দিন সকল সমুদ্র অগ্নিতে পরিণত হবে। অন্য এক আয়াতে আছে :

وَاِذَا الْبَحَارُ سُجِّرَتْ—অর্থাৎ চতুর্দিকের সমুদ্র অগ্নি হয়ে হাশরের ময়দানে

একত্রিত মানুষকে ঘিরে রাখবে। এই তফসীরই হযরত সায়ীদ ইবনে মুসাইয়্যাব, আলী ইবনে আব্বাস, মুজাহিদ ও ওবায়দুল্লাহ্ ইবনে উমায়ের (রা) থেকে বর্ণিত আছে। —(ইবনে কাসীর)

হযরত আলী (রা)-কে জনৈক ইহুদী প্রশ্ন করল : জাহান্নাম কোথায়? তিনি বললেন : সমুদ্রই জাহান্নাম। পূর্ববর্তী প্রশ্ন গ্রন্থে অভিজ্ঞ ইহুদী এই উত্তর সমর্থন করল।—(কুরতুবী) হযরত কাতাদাহ (র) প্রমুখ مسجور—এর অর্থ করেছেন পানিতে পরিপূর্ণ। ইবনে জরীর (র) এই অর্থই পছন্দ করেছেন।—(ইবনে কাসীর)

اِنَّ عَذَابَ رَبِّكَ لَوَاقِعٌ مَّا لَكَ مِنْ دَافِعٍ—আপনার পালনকর্তার আযাব

অবশ্যস্বাভাবী। একে কেউ প্রতিরোধ করতে পারবে না। এটা পূর্বোল্লিখিত কসমসমূহের জওয়াব।

একবার হযরত ওমর (রা) সূরা তুর পাঠ করে যখন এই আয়াতে পৌঁছেন, তখন একটি দীর্ঘ নিঃশ্বাস ছেড়ে বিশ দিন পর্যন্ত অসুস্থ থাকেন। তাঁর রোগ নির্ণয় করার ক্ষমতা কারও ছিল না।—(ইবনে কাসীর)

হযরত জুবায়ের ইবনে মৃতএম (রা) বলেন : মুসলমান হওয়ার পূর্বে আমি একবার বদরের যুদ্ধে বন্দীদের সম্পর্কে আলাপ-আলোচনার উদ্দেশ্যে মদীনা পৌঁছেছিলাম। রসূলুল্লাহ (সা) তখন মাগরিবের নামাযে সূরা তুর পাঠ করছিলেন। মসজিদের বাইরে থেকে আওয়াজ শোনা যাচ্ছিল। তিনি যখন

إِنَّ عَذَابَ رَبِّكَ لَوَاقِعٌ مَّا لَكُم مِّنْ دَافِعٍ

পাঠ করলেন, তখন হঠাৎ আমার মনে হল যেন অন্তর ভয়ে বিদীর্ণ হয়ে যাবে। আমি তৎক্ষণাৎ ইসলাম গ্রহণ করলাম। তখন আমার মনে হচ্ছিল যেন, এই স্থান ত্যাগ করার পূর্বেই আমি আযাবে প্রেফতার হয়ে যাব।—(কুরতুবী)

يومَ تَمُورُ السَّمَاءُ مَوْرًا—অভিধানে অস্থির নড়াচড়াকে মোর বলা হয়।

এখানে বর্ণনা করা হয়েছে যে, কিয়ামতের দিন আকাশ অস্থিরভাবে নড়াচড়া করবে।

ঈমান থাকলে বুয়ুর্গদের সাথে বংশগত সম্পর্ক পরকালেও উপকারে আসবে :

وَالَّذِينَ آمَنُوا وَاتَّبَعَتْهُمْ ذُرِّيَّتُهُمْ بِإِيمَانٍ أَلْحَقْنَا بِهِمْ ذُرِّيَّتَهُمْ

অর্থাৎ যারা ঈমানদার এবং তাদের সন্তানগণও ঈমানে তাদের অনুগামী, আমি তাদের সন্তানদেরকেও জাম্মাতে তাদের সাথে মিলিত করে দেব। হযরত ইবনে আব্বাস (রা)-এর রেওয়ায়েতে রসূলুল্লাহ (সা) বলেন : আল্লাহ তা'আলা সৎকর্মপরায়ণ মু'মিনদের সন্তান-সন্ততিকেও তাদের বুয়ুর্গ পিতৃপুরুষদের মর্তবায় পৌঁছিয়ে দেবেন, যদিও তারা কর্মের দিক দিয়ে সেই মর্তবার যোগ্য না হয়, যাতে বুয়ুর্গদের চক্ষু শীতল হয়।—(মায়হারী)

সায়ীদ ইবনে জুবায়ের (র) বলেন : হযরত ইবনে আব্বাস (রা) সত্ত্বত রসূলুল্লাহ (সা)-রই উক্তি বর্ণনা করেছেন যে, জাম্মাতী ব্যক্তি জাম্মাতে প্রবেশ করে তার পিতামাতা, স্ত্রী ও সন্তানদের সম্পর্কে জিজ্ঞাসা করবে যে, তারা কোথায় আছে? জওয়াবে বলা হবে যে, তারা তোমার মর্তবা পর্যন্ত পৌঁছতে পারেনি। তাই তারা জাম্মাতে আলাদা জায়গায় আছে। এই ব্যক্তি আরম্ভ করবে : পরওয়ারদিগার, দুনিয়াতে নিজের জন্য ও তাদের সবার জন্য আমল করে-ছিলাম। তখন আল্লাহ তা'আলার পক্ষ থেকে আদেশ হবে : তাদেরকেও জাম্মাতের এই স্তরে একসাথে রাখা হোক। —(ইবনে কাসীর)

ইবনে কাসীর এসব রেওয়ায়েত উদ্ধৃত করে বলেন : এসব রেওয়ায়েত থেকে প্রমাণিত হয় যে, পরকালে সৎকর্মপরায়ণ পিতৃপুরুষ দ্বারা তাদের সন্তানরা উপকৃত হবে এবং আমলে তাদের মর্তবা কম হওয়া সত্ত্বেও তাদেরকে পিতৃপুরুষদের মর্তবায় পৌঁছিয়ে দেওয়া হবে। অপরদিকে সৎকর্মপরায়ণ সন্তান-সন্ততি দ্বারা তাদের পিতামাতার উপকৃত হওয়াও হাদীসে প্রমাণিত আছে। মসনদে আহমদে বর্ণিত হযরত আবু হুরায়রা (রা)-র রেওয়ায়েতে

রসুলুল্লাহ (সা) বলেন : আল্লাহ তা'আলা কোন কোন নেক বান্দার মর্তবা তার আমলের তুলনায় অনেক উচ্চ করে দেবেন। সে প্রশ্ন করবে : পরওয়ারদিগার, আমাকে এই মর্তবা কিরাপে দেওয়া হল? আমার আমল তো এই পর্যায়ের ছিল না। উত্তর হবে : তোমার সন্তান-সন্ততি তোমার জন্য ক্রমা প্রার্থনা ও দোয়া করেছে। এটা তারই ফল।

إِيلَاتٍ وَالتَّوَمَاتِ وَمَا آتَيْنَاهُمْ مِنْ عَمَلِهِمْ مِنْ شَيْءٍ—এর শাব্দিক অর্থ

হ্রাস করা।—(কুরতুবী) আয়াতের অর্থ এই : সন্তান-সন্ততিকে তাদের বুয়ুর্গ পিতৃপুরুষদের সাথে মিলিত করার জন্য এই পস্থা অবলম্বন করা হবে না যে, বুয়ুর্গদের আমল কিছু হ্রাস করে সন্তানদের আমল পূর্ণ করা হবে। বরং আল্লাহ তা'আলা নিজ কৃপায় তাদেরকে পিতাদের সমান করে দেবেন।

كُلُّ أَمْرٍ يُبْمَا كَسَبَ رَهِيْنٌ—অর্থাৎ প্রত্যেক ব্যক্তি তার আমলের জন্য

দায়ী হবে। অপরের গোনাহের বোঝা তার মাথায় চাপানো হবে না। অর্থাৎ পূর্ববর্তী আয়াতে নেক কর্মের বেলায় সৎ কর্মশীল পিতৃপুরুষদের খাতিরে সন্তান-সন্ততির আমল বাড়িয়ে দেওয়ার কথা আছে। কিন্তু গোনাহের বেলায় এরূপ করা হবে না। একের গোনাহের প্রতিক্রিয়া অপরের উপর প্রতিকলিত হবে না।—(ইবনে কাসীর)

فَذَكِّرْ نَمَّا أَنْتَ بِنِعْمَتِ رَبِّكَ بِكَاهِنٍ وَلَا مَجْنُونٍ ۝ أَمْ يَقُولُونَ
شَاعِرٌ تَتَّبِصُ بِهِ رَيْبَ الْمُنُونِ ۝ قُلْ تَرَبَّصُوا فَإِنِّي مَعَكُمْ
مِّنَ الْمُتَرَبِّصِينَ ۝ أَمْ تَأْمُرُهُمْ أَحْلَافُهُمْ بِهَذَا أَمْ هُمْ قَوْمٌ
طَاغُونَ ۝ أَمْ يَقُولُونَ تَقَوَّلَهُ ۚ بَلْ لَا يُؤْمِنُونَ ۝ فَلْيَاثُوا بِحَدِيثِ
مِّثْلِهِ إِن كَانُوا صَادِقِينَ ۝ أَمْ خُلِقُوا مِنْ غَيْرِ شَيْءٍ أَمْ هُمُ الْخَالِقُونَ ۝
أَمْ خَلَقُوا السَّمَوَاتِ وَالْأَرْضَ ۚ بَلْ لَا يُوقِنُونَ ۝ أَمْ عِنْدَهُمْ خَزَائِنُ
رَبِّكَ أَمْ هُمُ الْمُصْطَفَرُونَ ۝ أَمْ لَهُمُ سُلْمٌ يَسْتَمِعُونَ فِيهِ ۚ فَلْيَأْتِ
مُسْتَمِعُهُمْ بِسُلْطَانٍ مُّبِينٍ ۝ أَمْ لَهُ الْبَنَاتُ وَلَكُمُ الْبَنُونَ ۝ أَمْ
تَسْأَلُهُمْ أَجْرًا فَهُمْ مِنْ مَّغْرَمٍ مُّثْقَلُونَ ۝ أَمْ عِنْدَهُمُ الْغَيْبُ فَهُمْ

يَكْتُبُونَ ۝ أَمْ يُرِيدُونَ كَيْدًا فَالَّذِينَ كَفَرُوا هُمُ الْمَكِيدُونَ ۝
 أَمْ لَهُمْ إِلَهٌ غَيْرُ اللَّهِ سُبْحَانَ اللَّهِ عَمَّا يُشْرِكُونَ ۝ وَإِنْ يَرَوْا
 كِسْفًا مِّنَ السَّمَاءِ سَاقِطًا يَقُولُوا سَحَابٌ مَّرْكُومٌ ۝ فَذَرْهُمْ حَتَّى
 يُلَاقُوا يَوْمَهُمُ الَّذِي فِيهِ يُصْعَقُونَ ۝ يَوْمَ لَا يُغْنِي عَنْهُمْ كَيْدُ
 هُمْ شَيْئًا وَلَا هُمْ يُنصَرُونَ ۝ وَإِنَّ لِلَّذِينَ ظَلَمُوا عَذَابًا بَّادُونَ
 ذَلِكَ وَلَكِنَّ أَكْثَرَهُمْ لَا يَعْلَمُونَ ۝ وَاصْبِرْ بِحُكْمِ رَبِّكَ فَإِنَّكَ
 بِأَعْيُنِنَا وَسَبِّحْ بِحَمْدِ رَبِّكَ حِينَ تَقُومُ ۝ وَمِنَ اللَّيْلِ فَسَبِّحْهُ
 وَإِدْبَارَ النُّجُومِ ۝

(২৯) অতএব আপনি উপদেশ দান করুন। আপনার পালনকর্তার রূপায় আপনি অতীন্দ্রিয়বাদী নন এবং উন্মাদও নন। (৩০) তারা কি বলতে চায় : সে একজন কবি, আমরা তার মৃত্যু-দুর্ঘটনার প্রতীক্ষা করছি। (৩১) বলুন : তোমরা প্রতীক্ষা কর, আমিও তোমাদের সাথে প্রতীক্ষারত আছি। (৩২) তাদের বুদ্ধি কি এ বিষয়ে তাদেরকে আদেশ করে, না তারা সীমালংঘনকারী সম্প্রদায়? (৩৩) না তারা বলে : এই কোরআন সে নিজে রচনা করেছে? বরং তারা অবিশ্বাসী। (৩৪) যদি তারা সত্যবাদী হয়ে থাকে, তবে এর অনুরূপ কোন রচনা উপস্থিত করুক। (৩৫) তারা কি আপনা আপনিই সৃজিত হয়ে গেছে, না তারা নিজেরাই স্রষ্টা? (৩৬) না তারা নভোমণ্ডল ও ভূমণ্ডল সৃষ্টি করেছে? বরং তারা বিশ্বাস করে না। (৩৭) তাদের কাছে কি আপনার পালনকর্তার ভাণ্ডার রয়েছে, না তারাই সবকিছুর তত্ত্বাবধায়ক? (৩৮) না তাদের কোন সিঁড়ি আছে, যাতে আরোহণ করে তারা শ্রবণ করে? থাকলে তাদের শ্রোতা সুস্পষ্ট প্রমাণ উপস্থিত করুক। (৩৯) না তার কন্যা সন্তান আছে আর তোমাদের আছে পুত্র সন্তান? (৪০) না আপনি তাদের কাছে পারিশ্রমিক চান যে, তাদের উপর জরিমানার বোঝা চেপে বসেছে? (৪১) না তাদের কাছে অদৃশ্য বিষয়ের জ্ঞান আছে যে, তারা তা লিপিবদ্ধ করে? (৪২) না তারা চক্রান্ত করতে চায়? অতএব যারা কাফির, তারাই চক্রান্তের শিকার হবে। (৪৩) না তাদের আল্লাহ্ ব্যতীত কোন উপাস্য আছে? তারা যাকে শরীক করে, আল্লাহ্ তা থেকে পবিত্র। (৪৪) তারা যদি আকাশের কোন খণ্ডকে পতিত হতে দেখে, তবে বলে : এটা তো পূজীভূত মেঘ। (৪৫) তাদেরকে ছেড়ে দিন সেদিন পর্যন্ত, যেদিন তাদের উপর বজ্রাঘাত পতিত হবে। (৪৬) সেদিন তাদের চক্রান্ত তাদের কোন উপকারে আসবে না এবং তারা সাহায্যপ্রাপ্তও হবে না। (৪৭) গোনাহ্গারদের জন্য এছাড়া আরও শাস্তি রয়েছে,

কিন্তু তাদের অধিকাংশই তা জানে না। (৪৮) আপনি আপনার পালনকর্তার নির্দেশের অপেক্ষায় সবার করুন। আপনি আমার দৃষ্টির সামনে আছেন এবং আপনি আপনার পালনকর্তার সপ্রশংস পবিত্রতা ঘোষণা করুন যখন আপনি গাত্রোত্থান করেন। (৪৯) এবং রাত্রির কিছু অংশে এবং তারকা অস্তমিত হওয়ার সময় তাঁর পবিত্রতা ঘোষণা করুন।

তফসীরের সার-সংক্ষেপ

যখন আপনার প্রতি প্রচারযোগ্য বিষয়বস্তু সম্বলিত ওহী নাখিল করা হয়; (যেমন উপরে জাম্বাত ও জাহান্নামের অধিকারীদের বিবরণ প্রদত্ত হয়েছে, তখন) আপনি (এসব বিষয়বস্তুর সাহায্যে মানুষকে) উপদেশ দান করুন। কেননা, আপনার পালনকর্তার কৃপায় আপনি অতীন্দ্রিয়বাদী নন এবং উন্মাদও নন (যেমন মুশরিকদের এ উক্তি সূরা ওয়াহ-যোহার শানে নুযুলে বর্ণিত আছে **قَد تَرَكْ شَيْطَانِكِ**—এর সারমর্ম এই যে, আপনি অতীন্দ্রিয়বাদী হতে পারেন না। কারণ, অতীন্দ্রিয়বাদীরা শয়তানের কাছ থেকে সংবাদ সংগ্রহ করে। শয়তানের সাথে আপনার কোন সম্পর্ক নেই। এক আয়াতে আছে :

وَيَقُولُونَ اِنَّهُ لَمَجْنُونٌ—এখানে বলা হয়েছে যে, আপনি উন্মাদ নন। উদ্দেশ্য

এই যে, আপনি নবী। নবীর কাজ সব সময় উপদেশ দান করা—মানুষ যাই বলুক)। তাঁরা কি (অতীন্দ্রিয়বাদী ও উন্মাদ বলা ছাড়াও একথা) বলতে চায় : সে একজন কবি, আমরা তার মৃত্যুর প্রতীক্ষায় আছি (দূররে মনসুরে আছে, কোরাইশরা পরামর্শগৃহে একত্রিত হয়ে প্রস্তাব পাস করল যে, মুহাম্মদও একজন কবি। অন্যান্য কবি যেমন মৃত্যুমুখে পতিত হয়ে খতম হয়ে গেছে, সেও তেমনি খতম হয়ে যাবে এবং ইসলামের ঝগড়া মিটে যাবে)। আপনি বলে দিন : (ভাল কথা,) তোমরা অপেক্ষা কর, আমিও তোমাদের সাথে অপেক্ষারত আছি। (অর্থাৎ তোমরা আমার পরিণতি দেখ, আমিও তোমাদের পরিণতি দেখি। এতে ইঙ্গিত আছে যে, আমার পরিণতি শুভ এবং তোমাদের পরিণতি অন্তর্ভুক্ত ও বার্থতা। এটা উদ্দেশ্য নয় যে, তোমরা মরবে, আমি মরব না। বরং তাদের উদ্দেশ্য ছিল তার ধর্ম অচল হয়ে যাবে এবং তার মৃত্যুর পর তা মিটে যাবে। এখানে তা খণ্ডন করা উদ্দেশ্য। সেমতে তাই হয়েছে। তারা যে এসব কথাবার্তা বলে) তাদের বুদ্ধি কি এ বিষয়ে তাদেরকে শিক্ষা দেয়, না তারা দুষ্ট প্রকৃতির লোক? (তারা নিজেদেরকে প্রগাঢ় বিবেক-বুদ্ধির অধিকারী বলে দাবী করে, যেমন সূরা আহ্‌কাফে বর্ণিত তাদের উক্তি থেকে বোঝা যায় **لَوْ اَنَّ خَيْرًا مَّا سَبَقُونَا**

لَيْهٖ—মায়ালামে কিতাবেও বর্ণিত আছে যে, কোরাইশ সরদারগণ মানুষের মধ্যে অত্যধিক

বুদ্ধিমান হিসেবে পরিচিত ছিল। আলোচ্য আয়াতে তাদের বুদ্ধির অবস্থা দেখানো হয়েছে যে, বুদ্ধি সঠিক হলে এমন বিষয়ের শিক্ষা দিত না। এটা বুদ্ধির শিক্ষা না হলে নিছক দুষ্টুত্ব

ও হঠকারিতাই হবে)। না তারা বলে : এই কোরআন সে নিজে রচনা করেছে? (এরূপ নয়;) বরং (একথা বলার একমাত্র কারণ এই যে,) তারা (প্রতিহিংসাবশত) অবিশ্বাসী। (নিয়ম এই যে, মানুষ যে বিষয়কে বিশ্বাস করে না, হাজার সত্য হলেও সে সম্পর্কে নেতিবাচক কথাই বলে। জন্ম করার উদ্দেশ্যে আরেক জওয়াব এই যে, এটা যদি তারই রচিত হবে তবে) তারা (-ও তো আরবী ভাষাভাবী, প্রাজ্ঞ ও বিদ্বৎভাষী) এর অনুরূপ কোন রচনা উপস্থিত করুক যদি তারা (এ দাবীতে) সত্যবাদী হয়ে থাকে। (রিসালত সম্পর্কিত এসব বিষয়বস্তুর পর এখন তওহীদ সম্পর্কিত বিষয়বস্তু বর্ণনা করা হচ্ছে : তারা যে তওহীদ অস্বীকার করে,) তারা কি কোন স্রষ্টা ব্যতীত আপনা-আপনি সৃজিত হয়ে গেছে, না তারা নিজেরাই নিজেদের স্রষ্টা? (না এই যে, তারা নিজেদের স্রষ্টাও নয় এবং স্রষ্টা ব্যতীত সৃজিতও হয়নি, কিন্তু) তারা নভোমণ্ডল ও ভূমণ্ডল সৃষ্টি করেছে? (এবং আল্লাহ্ তা'আলার স্রষ্টাওণের মধ্যে অংশীদার, সারকথা এই যে, যে ব্যক্তি বিশ্বাস রাখে যে, স্রষ্টা একমাত্র আল্লাহ্ এবং সে নিজেও স্রষ্টার মুখাপেক্ষী তার জন্য তওহীদে বিশ্বাসী হওয়া এবং আল্লাহ্‌র সাথে কাউকে শরীক না করাও অপরিহার্য। সে ব্যক্তিই তওহীদ অস্বীকার করতে পারে, যে একমাত্র আল্লাহ্‌কেই স্রষ্টা মনে করে না অথবা সে সৃজিত একথা অস্বীকার করে। চিন্তা-ভাবনা না করার কারণে কাফিররা জানত না যে, স্রষ্টা যখন এক তখন উপাস্যও এক হবে। তাই অতঃপর তাদের এই মুর্থতার প্রতি ইঙ্গিত করা হয়েছে যে, বাস্তবে এরূপ নয়) বরং তারা (মুর্থতার কারণে তওহীদে) বিশ্বাস করে না। (মুর্থতা এটাই যে, স্রষ্টা হলেই উপাস্য হতে হবে একথা চিন্তা-ভাবনা করে না অতঃপর রিসালত সম্পর্কে তাদের অন্যান্য ধারণা খণ্ডন করা হয়েছে। তারা আরও বলত যে, নবুয়ত দান করা যদি অপরিহার্যই ছিল, তবে মক্কা ও তায়িফের অমুক অমুক সরদারকে নবুয়ত দেওয়া হল না কেন? আল্লাহ্ তা'আলা জওয়াবে বলেন:) তাদের কাছে কি আপনার পালন-কর্তার (নবুয়তসহ নিয়ামত ও রহমতের) ভাণ্ডার রয়েছে (যে যাকে ইচ্ছা নবুয়ত

দিয়ে দেবে, যেমন আল্লাহ্ বলেন : **أَهُمْ يَقْسِمُونَ رَحْمَةَ رَبِّكَ**) না তারাই (এই

নবুয়ত বিভাগের) হর্তাকর্তা? (যে, যাকে ইচ্ছা, নবুয়ত দান করার আদেশ দেবে? অর্থাৎ নবুয়ত দান করার উপায় দুইটি : এক. ভাণ্ডারের অধিকারী হয়ে, দুই. যারা ভাণ্ডারের অধিকারী, তাদের উর্ধ্বতন কর্মকর্তা হয়ে নির্দেশের মাধ্যমে তা দান করবে। এখানে উভয় সম্ভাবনা উড়িয়ে দেওয়া হয়েছে। এর সারমর্ম এই যে, তারা মুহাম্মদ (সা)-এর রিসালত অস্বীকার করে এবং মক্কা ও তায়িফের সরদারদেরকে রিসালতের যোগ্য মনে করে। তাদের কাছে এর কোন যুক্তিসঙ্গত প্রমাণ নেই; বরং এর বিপরীতে প্রমাণাদি রয়েছে। এ কারণেই শুধু প্রস্তাবোধক 'না' বলা হয়েছে। অতঃপর বলা হচ্ছে যে, এর পক্ষে কোন ইতিহাসভিত্তিক প্রমাণও নেই) না তাদের কোন সিঁড়ি আছে, যাতে আরোহণ করে (আকাশের) কথাবার্তা শ্রবণ করে (অর্থাৎ তাদের কোন ব্যক্তির প্রতি ওহী নাখিল হয় না এবং তাদের কেউ আকাশে আরোহণ করে না। অতঃপর এ সম্পর্কে একটি যুক্তিগত সম্ভাবনা বাতিল করা হচ্ছে যে, যদি ধরে নেওয়া যায় যে, তারা আকাশে আরোহণ করার ও সেখানকার কথাবার্তা শোনার দাবী করতে থাকবে) তবে তাদের শ্রুত (এই দাবীর পক্ষে) সুস্পষ্ট প্রমাণ উপস্থিত করুক (যে, সে ওহী লাভ করেছে, যেমন আমাদের নবী স্বীয়

ওহীর পক্ষে নিশ্চিত অলৌকিক প্রমাণাদি রাখেন। অতঃপর আবার তওহীদের এক বিশেষ বিষয়বস্তু সম্পর্কে আলোচনা করা হচ্ছে। অর্থাৎ তওহীদ অবিশ্বাসীরা ফেরেশতাদেরকে আল্লাহর কন্যা সাব্যস্ত করে শিরক করে। আমি তাদেরকে জিজ্ঞাসা করি) আল্লাহর কি কন্যা সন্তান আছে; আর তোমাদের আছে পুত্র সন্তান? (অর্থাৎ নিজেদের জন্য তো তোমাদের জ্ঞানে উৎকৃষ্ট বস্তু পছন্দ কর আর আল্লাহর জন্য এমন বস্তু পছন্দ কর, যাকে তোমরা নিকৃষ্ট মনে কর। অতঃপর আবার রিসালত সম্পর্কে বলা হচ্ছে যে, আপনার সত্যতা প্রমাণ হওয়া সত্ত্বেও আপনার অনুসরণ তাদের পছন্দনীয় নয়। তবে) আপনি কি তাদের কাছে পারিশ্রমিক চান যে, এই কর দেওয়া তাদের জন্য কষ্টকর হয়ে গেছে? যেমন আল্লাহ বলেন,

أَمْ تَسْأَلُهُمْ خَرْجًا অতঃপর কিয়ামত ও প্রতিদান সম্পর্কে বলা হচ্ছে যে, তারা

বলে : প্রথমত, কিয়ামত হবেই না, যদি হয় তবে সেখানেও আমরা ভাল অবস্থায় থাকব।

যেমন আল্লাহ বলেন : وَمَا أَظُنُّ السَّاعَةَ قَائِمَةً وَلَئِنْ رُجِعْتُ إِلَىٰ رَبِّي

إِنِّ لِي عِنْدَهُ لَلْحَسَنَى সম্পর্কে তাদেরকে জিজ্ঞাসা এই যে) তাদের কাছে কি অদৃশ্য

বিষয়ের জ্ঞান আছে যে, তারা তা (সংরক্ষিত রাখার জন্য) লিপিবদ্ধ করে? না তারা (রসূ-

লের সাথে) চক্রান্ত করতে চায়? (অন্য আয়াতে তা এভাবে বর্ণনা করা হয়েছে :

وَإِذْ يَمْكُرُ بِكَ الَّذِينَ كَفَرُوا لِيُثْبِتُوكَ أَوْ يَقْتُلُوكَ أَوْ يُخْرِجُوكَ

অতএব যারা কাফির, তারাই এই চক্রান্তের শিকার হবে। (সেমতে তারা চক্রান্তে ব্যর্থ হয়ে বদরে নিহত হয়েছে। অতঃপর তওহীদ সম্পর্কে বলা হচ্ছে যে) আল্লাহ ব্যতীত তাদের অন্য কোন উপাস্য আছে কি? আল্লাহ তাদের আরোপিত শিরক থেকে পবিত্র। (কাফিররা রিসালতের বিপক্ষে এ কথাও বলত যে, আমরা তখন আপনাকে রসুলরূপে মেনে নেব, যখন আপনি আকাশের কোন খণ্ড ভূপাতিত করে দেন।

এর—أَوْ تَسْقُطَ السَّمَاءُ كَمَا زَعَمْتُمْ عَلَيْنَا كِفًا যেমন আল্লাহ বলেন :

জওয়াব এই যে, রিসালতের পক্ষে শুরু থেকেই প্রমাণ কায়ম রয়েছে। কাজেই ফরমায়েশী প্রমাণ কায়ম করার কোন প্রয়োজন নেই। হ্যাঁ, প্রমাণপ্রার্থী সত্যাল্বেষী হলে ফরমায়েশী প্রমাণও কায়ম করা যায়। কিন্তু কাফিরদের ফরমায়েশ সত্যের জন্য নয়, নিছক হঠ-কারিতাবশত। তারা তো এমন হঠকারী যে) তারা যদি আকাশের কোন খণ্ডকে পতিত

হতেও দেখে, তবুও বলবে : এটা তো পুঞ্জীভূত মেঘ। (যেমন আল্লাহ বলেন :

وَلَوْ أَنَّا فَتَحْنَا عَلَيْهِم بَابًا مِّنَ السَّمَاءِ فَظَلُّوا فِيهِ يَعْرَجُونَ

(সা)-কে সান্ত্বনা দেওয়া হচ্ছে যে, এরা যখন এতই উদ্ধত ও অবাধ্য, তখন তাদের কাছে ঈমান প্রত্যাশা করে দুঃখিত হবেন না; বরং তাদেরকে ছেড়ে দিন সেই দিনের সাক্ষাৎ পর্যন্ত, যে দিন তাদের হাঁশ উড়ে যাবে। (অর্থাৎ কিয়ামতের দিন পর্যন্ত। অতঃপর সেই দিনের কথা বর্ণনা করা হচ্ছে) যে দিন তাদের (ইসলামের বিরোধিতা ও নিজেদের সাফল্য সম্পর্কিত) চক্রান্ত তাদের কোন উপকারে আসবে না এবং তারা (কোথাও থেকে) সাহায্যপ্রাপ্তও হবে না। (সেদিন তারা সত্যাসত্য জেনে নেবে। এর আগে তারা বিশ্বাস স্থাপন করবে না)। গোনাহ্গারদের জন্য এছাড়া আরও শাস্তি রয়েছে (অর্থাৎ দুনিয়াতে যেমন দুর্ভিক্ষ, বদরে নিহত হওয়া ইত্যাদি)। কিন্তু তাদের অধিকাংশই তা জানে না। ('অধিকাংশ' বলার কারণ সম্ভবত এই যে, তাদের কতকের জন্য ঈমান অবধারিত ছিল। তাদের শাস্তির জন্য যখন আমি সময় নির্ধারিত রেখেছি, তখন) আপনি আপনার পালনকর্তার নির্দেশের অপেক্ষায় সবার করুন। (এই ধারণার বশবর্তী হয়ে তাদের প্রতিশোধ ত্বরান্বিত করতে চাইবেন না যে, তারা আপনার কোন ক্ষতি সাধন করবে। এরূপ আশংকা করবেন না। কেননা) আপনি আমার হিফায়তে আছেন। (অতএব ভয় কিসের? তাদের কুফরের কারণে অন্তর ব্যথিত হলে এর প্রতিকার এই যে, আল্লাহ্‌র দিকে মনোনিবেশ করুন। উদাহরণত মজলিস থেকে অথবা নিদ্রা থেকে) গাত্রোথানের সময় (উদাহরণত তাহাজ্জুদে) আপনি আপনার পালনকর্তার সপ্রশংস পবিত্রতা ঘোষণা করুন এবং রাত্রির কিছু অংশে (অর্থাৎ ইশার সময়ে) এবং তারকা অন্তমিত হওয়ার পশ্চাতে (অর্থাৎ ফজরে) তাঁর পবিত্রতা ঘোষণা করুন। (সারকথা এই যে, অন্তরকে এ কাজে মশগুল রাখুন, তাহলে চিন্তা-ভাবনা প্রবল হতে পারবে না)।

আনুষঙ্গিক জ্ঞাতব্য বিষয়

فَاِنَّكَ بِأَعْيُنِنَا — শত্রুদের শত্রুতা-বিরোধিতার পরিপ্রেক্ষিতে রসূলুল্লাহ্‌ (সা)-কে

সান্ত্বনা দেওয়ার জন্য সূরার উপসংহারে প্রথমে বলা হয়েছে যে, আপনি আমার দৃষ্টিতে আছেন। অর্থাৎ আমার হিফায়তে আছেন। আমি আপনাকে তাদের প্রত্যেক অনিষ্ট থেকে বাঁচিয়ে রাখব। আপনি তাদের পরোয়া করবেন না। অন্য এক আয়াতে আছে: **وَاللَّهُ يَعْصَمُكَ**

مِّنَ النَّاسِ

অর্থাৎ আল্লাহ্‌ তা'আলা মানুষের অনিষ্ট থেকে আপনার হিফায়ত

করবেন।

এরপর আল্লাহ্‌ তা'আলার সপ্রশংস পবিত্রতা ঘোষণায় আত্মনিয়োগ করার আদেশ দেওয়া হয়েছে, যা মানবজীবনের আসল লক্ষ্য এবং প্রত্যেক বিপদ থেকে বেঁচে থাকার

প্রতিকারও। বলা হয়েছে : **وَسَبِّحْ بِحَمْدِ رَبِّكَ حِينَ تَقُومُ** অর্থাৎ আল্লাহর সপ্রশংস

পবিত্রতা ঘোষণা করুন যখন আপনি দণ্ডায়মান হন। এর এক অর্থ নিদ্রা থেকে গাজ্রোথান করা। ইবনে জরীর (র) তাই বলেন। এক হাদীস থেকে এর সমর্থন পাওয়া যায়। রসূলুল্লাহ (সা) বলেন : যে ব্যক্তি রাত্রে জাগ্রত হয়ে এই বাক্যগুলো পাঠ করে, সে যে দোয়াই করে, তা-ই কবুল হয়। বাক্যগুলো এই :

لَا إِلَهَ إِلَّا اللَّهُ وَحْدَهُ لَا شَرِيكَ لَهُ لَهُ الْمُلْكُ وَلَهُ الْحَمْدُ وَهُوَ عَلَى كُلِّ شَيْءٍ قَدِيرٌ سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ وَلَا حَوْلَ وَلَا قُوَّةَ إِلَّا بِاللَّهِ -

এরপর যদি সে অম্বু করে নামায পড়ে, তবে তার নামায কবুল করা হবে। —(ইবনে কাসীর)

মজলিসের কাফ্ফারা : মুজাহিদ ও আবুল আহওয়াস (র) প্রমুখ তফসীরবিদ বলেন : ‘যখন দণ্ডায়মান হন’—এর অর্থ এই যে, যখন কেউ মজলিস থেকে উঠে, তখন এই বাক্য পাঠ করবে : **سُبْحَانَكَ اللَّهُمَّ وَبِحَمْدِكَ**—এই আয়াতের তফসীর প্রসঙ্গে

আতা ইবনে আবী রাবাহ (র) বলেন : তুমি যখন মজলিস থেকে উঠ, তখন তসবীহ ও তাহমীদ কর। তুমি এই মজলিসে কোন সৎ কাজ করে থাকলে তার পূণ্য অনেক বেড়ে যাবে। পক্ষান্তরে কোন পাপ কাজ করে থাকলে এই বাক্য তার কাফ্ফারা হয়ে যাবে।

হযরত আবু হুরায়রা (রা) বর্ণিত এক রেওয়ায়েতে রসূলুল্লাহ (সা) বলেন : যে ব্যক্তি এমন মজলিসে বসে, যেখানে ভালমন্দ কথাবার্তা হয়, সে যদি মজলিস ত্যাগ করার পূর্বে এই বাক্যগুলো পাঠ করে, তবে আল্লাহ তা‘আলা এই মজলিসে যেসব গোনাহ হয়েছে, সেগুলো ক্ষমা করেন। বাক্যগুলো এই :

سُبْحَانَكَ اللَّهُمَّ وَبِحَمْدِكَ أَشْهَدُ أَنْ لَا إِلَهَ إِلَّا أَنْتَ أَسْتَغْفِرُكَ
وَأَتُوبُ إِلَيْكَ —(তিরমিযী—ইবনে কাসীর)।

وَمِنَ اللَّيْلِ فَسَبِّحْهُ—অর্থাৎ রাত্রে পবিত্রতা ঘোষণা করুন। মাগরিব ও ইশার

নামায এবং সাধারণ তসবীহ পাঠ সবই এর অন্তর্ভুক্ত। **وَإِذْ بَارَ النَّجُومَ** অর্থাৎ তারকা

অন্তর্ভুক্ত হওয়ার পর। এখানে ফজরের নামায ও তখনকার তসবীহ পাঠ বোঝানো হয়েছে--
(ইবনে কাসীর)